

Na osnovu člana člana 17. stav 1. tačka 2. Statuta općine Doboj Istok ("Službene novine općine Doboj Istok broj: 5/08), Općinsko vijeće Doboj Istok na 26. redovnoj sjednici održanoj dana 28.03.2015. godine d o n o s i

ODLUKU

o utvrđivanju kriterija za dodjelu stipendija redovnim studentima dodiplomskog studija

I - OSNOVNE ODREDBE

Član 1.

Ovom Odlukom utvrđuju se uslovi, kriteriji i postupak za dodjelu stipendija redovnim studentima dodiplomskog studija sa područja općine Doboj Istok, kao i način isplate stipendija.

Član 2.

Sredstva za dodjelu stipendija obezbjeđuju se u budžetu općine Doboj Istok.

Član 3.

Stipendije se dodjeljuju na osnovu javnog konkursa koji raspisuje Općinski načelnik na prijedlog Komisije za mlade Općinskog vijeća.
Konkurs se objavljuje putem sredstava javnog informisanja i oglasnih tabli na području općine Doboj Istok.

Član 4.

Visina i broj stipendija određuju se na osnovu planiranih sredstava za tu svrhu u budžetu općine, a stipendije se dodjeljuju za jednu akademsku godinu.

II - USLOVI I KRITERIJI ZA DODJELU STIPENDIJA

Član 5.

Pravo na stipendiju imaju redovni studenti ako:

- su državljani Bosne i Hercegovine,
- imaju prebivalište na području općine Doboj Istok
- se školuju na univerzitetima u Bosni i Hercegovini,
- ne primaju stipendiju od drugog davaoca i
- su u tekućoj akademskoj godini prvi puta upisali određenu nastavnu godinu.

Član 6.

U skladu sa kriterijima iz člana 5. ove Odluke bodovanje će se izvršiti na osnovu slijedećih kriterija:

1. Uspjeh u učenju

Za redovne studente koji prvi put upisuju prvu godinu bodovanje po osnovu uspjeha u školi vršit će se tako što se uspjeh iz završne godine srednjeg obrazovanja uvećava za 2 i množi sa koeficijentom 5.

Za redovne studente koji prvi put upisuju drugu i naredne godine studija, bodovanje će se vršiti tako što se prosječna ocjena svih položenih ispita iz prethodne godine množi sa koeficijentom 5.

2. Nagrade i priznanja

Kandidati koji su u toku prethodne školske godine učestvovali samostalno ili ekipno na takmičenjima, te osvojili jedno od prva tri mjesta, imaju pravo na dodatne bodove i to:

a) kantonalna takmičenja	3 boda
b) kantonalna takmičenja (u sportu)	3 boda
c) federalna takmičenja	5 bodova
d) federalna takmičenja (u sportu)	5 bodova
e) državna takmičenja	7 bodova
f) državna takmičenja (u sportu)	7 bodova
g) učenik generacije (važi samo za studente prve godine)	10 bodova
h) bronzana plaketa	12 bodova
i) srebrna plaketa	15 bodova
j) međunarodna takmičenja u sportu	15 bodova

Kandidati imaju pravo na dodatne bodove samo po jednom naprijed navedenom osnovu.

3. Godine studija

Za godine studija, student će dobiti:

a) student prve godine	2 boda
b) student druge godine	4 boda
c) student treće godine	6 bodova
d) student četvrte godine	8 bodova
e) student pete godine	10 bodova
f) student šeste godine	12 bodova

4. Statusne povlastice

Pravo na statusne povlastice imaju samo određene kategorije studenata i mogu se ostvariti samo na osnovu priložene dokumentacije izdate od nadležnih organa.

a) Studenti djeca poginulih i nestalih boraca	15 bodova
---	-----------

b) Studenti ratni vojni invalidi (preko 50 % inv.)	14 bodova
c) Studenti djeca ratnih vojnih invalida (preko 50 % inv.)	13 bodova
d) Studenti ratni vojni invalidi (do 50 % inv.)	12 bodova
e) Studenti djeca ratnih vojnih invalida (do 50 % inv.)	11 bodova
f) Studenti demoblisani borci	11 bodova
g) Studenti djeca demobilisanih boraca	10 bodova
h) Studenti bez roditeljskog staranja (bez jednog ili oba roditelja)	10 bodova
i) Studenti djeca civilnih žrtava rata	8 bodova
j) Studenti civilni invalidi i djeca civilnih invalida	7 bodova
k) Studenti djeca iz socijalno ugroženih porodica	6 bodova

Kandidati imaju pravo na samo jednu od statusnih povlastica.

5. Materijalni položaj

Po kriteriju "materijalni položaj" studentu pripada slijedeći broj bodova:

a) bez stalnih novčanih primanja u porodici	25 bodova
b) prihodi po članu užeg porodičnog domaćinstva do 100 KM	20 bodova
c) prihodi po članu užeg porodičnog domaćinstva od 101 do 200 KM	15 bodova
d) prihodi po članu užeg porodičnog domaćinstva od 201 do 300 KM	10 bodova
e) preko 301 KM po članu domaćinstva	0 bodova

Pod članom užeg porodičnog domaćinstva, u smislu ove Odluke, podrazumijeva se bračni drug, djeca i roditelji, a braća, sestre, djed i nena ako sa studentom žive u zajedničkom domaćinstvu.

6. Broj članova domaćinstva

Kandidati imaju pravo na po 2 (dva) boda za svakog člana užeg porodičnog domaćinstva. Broj članova domaćinstva dokazuje se uvjerenjem o zajedničkom domaćinstvu izdatim od nadležne općinske službe.

Ako se u jednoj porodici školuje istovremeno dva ili više studenata dodaje se 6 bodova za samo jednog bolje rangiranog studenta iz porodice.

7. Deficitarna zanimanja (5 bodova)

Pravo na bodove po kriteriju deficitarnih zanimanja imaju studenti koji pohađaju fakultet koji je od posebnog značaja za općinu.

Naprijed navedeno utvrđuje se odlukom Općinskog vijeća na prijedlog Općinskog načelnika o proglašenju deficitarnih kadrova prije raspisivanja konkursa za dodjelu stipendija.

Ukoliko Općinsko vijeće prije raspisivanja konkursa nije donijelo odluku o deficitarnim kadrovima bodovanje po ovoj tački se ne vrši.

Član 7.

Pravo učešća na konkurs nemaju studenti koji u isto vrijeme koriste stipendiju iz nekog drugog izvora.

Svaki od prijavljenih kandidata dužan je prilikom podnošenja prijave na konkurs priložiti potpisanu izjavu da pod punom matrijalnom i krivičnom odgovornošću izjavljuje da nije korisnik druge stipendije iz nekog drugog izvora

Provjeru dvojnog korištenja Komisija može obaviti nevezano za nevedeno u stavu 2. ovog člana u svakom konkretnom slučaju ukoliko ocijeni za potrebno, prije predlaganja liste za dodjelu stipendija Općinskom vijeću.

Član 8.

Ukoliko kandidati imaju isti broj bodova prioritet se daje kandidatu koji ima više bodova po osnovu člana 6. tačke 4. ove Odluke, kao i kandidatima viših godina školovanja.

III POSTUPAK DODJELE STIPENDIJA

Član 9.

Na osnovu člana 3. stav 1. ove Odluke Općinski načelnik raspisuje konkurs na prijedlog Komisije za mlade.

Zahtjev za dodjelu stipendija sa potrebnom dokumentacijom studenti dostavljaju Komisiji za mlade Općinskog vijeća Doboj Istok.

Komisija razmatra pristigle zahtjeve i utvrđuje rang-listu za dodjelu stipendija redovnim studentima dodiplomskog studija koju objavljuje na oglasnim tablama na području općine Doboj Istok na koju zainteresovani kandidati mogu podnijeti prigovor.

Član 10.

Konkurs ostaje otvoren 15 (petnaest) dana od dana objavljivanja.

Komisija ne razmatra nepotpune prijave, niti prijave pristigle nakon zatvaranja konkursa.

Član 11.

Nepotpunim prijavama smatrat će se one kojima nedostaju neki od slijedećih dokumenata:

1. Uvjerenje o državljanstvu,
2. Uvjerenje o prebivalištu,
3. Uvjerenje da je kandidat redovan student,
4. Svjedodžbe o završenim prethodnim razredima (za studente prve godine),

5. Uvjerenje o položenim ispitima sa ocjenama i izvedenom procječnom ocjenom za prethodnu godinu,
6. Uvjerenje o upisanoj godini studija i
7. Potpisanu izjavu iz člana 7. ove Odluke.

Član 12.

Kandidatu pripadaju bodovi po osnovu člana 6. tačke 2,4,5 i 6 ove Odluke ukoliko priloži potrebne dokaze:

1. dokaz o postignutom uspjehu na takmičenjima za koje se dodjeljuju dodatni bodovi (za pravo na bodove po osnovu nagrada i priznanja),
2. uvjerenje od nadležnog organa (za pravo na bodove po osnovu statusnih povlastica)
3. uvjerenje od službe za zapošljavanje za nezaposlene članove domaćinstva odnosno prosjek ličnog dohotka za zaposlene članove domaćinstva ili drugi odgovarajući dokument, potvrda o visini primanja za sve članove domaćinstva koji ostvaruju bilo kakva primanja i uvjerenje o prihodima od Poreske ispostave (za pravo na bodove po osnovu materijalnog položaja)
4. uvjerenje o zajedničkom domaćinstvu (za pravo na bodove po osnovu broja članova domaćinstva).

Član 13.

Svi dokumenti koji se traže u konkursu i dostavljaju Komisiji treba da budu u originalu ili u ovjerenjima kopiji.

Ukoliko Komisija prilikom razmatranja prispjelih prijava utvrdi neispravnost u pogledu kopije traženih dokumenta, prijava od toga kandidata će se odbaciti.

Član 14.

Protiv rang liste za dodjelu stipendija redovnim studentima, nezadovoljni učesnik konkursa za dodjelu stipendija redovnim studentima ima pravo prigovora u roku od 8 dana od dana isticanja rang liste na oglasnoj tabli općine Doboj Istok.

Prigovor se podnosi Komisiji za mlade Općinskog vijeća Doboj Istok.

Konačnu odluku o dodjeli stipendija redovnim studentima donosi Općinsko vijeće općine Doboj Istok, na prijedlog Komisije za mlade.

Po odobrenju stipendiji zaključuje se ugovor kojim se pobliže uređuju prava i obaveze ugovornih strana.

U ime Općine Doboj Istok ugovor zaključuje Općinski načelnik.

Član 15.

Administrativno tehničke poslove za Općinsku komisiju iz člana 3. ove Odluke obavljat će tehnički sekretar Općinskog vijeća Doboj Istok.

IV NAČIN ISPLATE STIPENDIJA

Član 16.

Stipendija će se isplaćivati u deset jednakih mjesečnih rata, odnosno u visini od po 100,00 KM po studentu.

Isplata stipendija vršit će se putem štedne knjižice ili računa otvorenih kod banaka.

Član 17.

Korisnik stipendije gubi pravo na isplatu stipendije ako u toku školske godine :

- bude upućen na izdržavanje kazne zatvora u trajanju dužem od tri mjeseca,
- bude mu izrečena disciplinska mjera isključenja sa Univerziteta,
- po nekom drugom osnovu prestane mu status redovnog studenta,
- u međuvremenu dobije stipendiju od drugog davaoca.

U slučajevima iz prethodnog stava korisnik stipendije je dužan davaocu stipendije vratiti cjelokupan iznos primljene stipendije najkasnije u roku od tri mjeseca od dana nastupanja slučaja iz prethodnog stava.

Član 18.

Stupanjem na snagu ove odluke prestaje da važi Odluka o stipendiranju redovnih studenata ("Službene novine općine Doboj Istok", broj 2/08, 3/09 i 4/10).


Član 19.

Odluka stupa na snagu danom donošenja, a objavit će se u "Službenim novinama općine Doboj Istok".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK

OPĆINSKO VIJEĆE

Broj: 02 - 38 - 734 /15
Klokotnica, 30.03.2015.godine



PREDSJEDAVATELJI
OPĆINSKOG VIJEĆA

dr Ferid Konjić